



PERC PAN-EUROPEAN TRADE UNION COUNCIL CRE CONSEIL REGIONAL EUROPEEN
BEPС ВСЕЕВРОПЕЙСКИЙ РЕГИОНАЛЬНЫЙ СОВЕТ

Izjava o vakcinaciji PERV Izvršnog komiteta

Vakcinacija protiv COVID-19 je najdjelotvornije sredstvo borbe protiv pandemije, može smanjiti transmisiju, a definitivno smanjuje teže oblike oboljenja, hospitalizacije i broj smrtnih slučajeva. Sindikati PERV-a podržavaju programe vakcinacije u našim zemljama, te naglašavaju da napredak u vakcinaciji stanovništva omogućava velikom broju zemalja iz regiona da prevaziđu postojeće hitne pritiske u sistemima zaštite zdravlja, ukidanje sanitarnih ograničenja, te poduzimanje važnih koraka u smjeru normalizacije ekonomskog, društvenog i kulturnog života. Sindikati imaju važnu ulogu u ohrabrivanju radnih ljudi i njihovih porodica da se vakcinišu, te u zastupanju radnika u pitanjima vezanim za vakcinaciju.

Ipak, nivo i opseg vakcinisanih se razlikuje unutar regiona. Na žalost, u nekim zemljama regiona, procent potpuno vakcinisanih je manji od 20%, a samo je u nekoliko zemalja na nivou dvije trećine. Ovo je rezultat nedostatka i ograničenog pristupa vakcinama, ali takođe ukazuje na nizak stepen svijesti, nepovjerenje i skeptičnost prema programima vlada i pristupu poslodavaca, nejasnoće u vezi nadležnosti za vakcinacijom, širenje fiktivnih certifikata, te nedorečenosti među određenim političkim figurama koji iskorištavaju ljudski strah i podgrijavaju antivakcerskog osjećaja. Ovim se potkopavaju napori u regionu u oblasti borbe protiv širenja infekcije, što vodi ljudskim i ekonomskim gubicima.

Sindikati pozivaju sve radnike i njihove porodice da se hitno vakcinišu i budu spremni da olakšaju izradu jasnih, razumljivih i prihvatljivih mehanizama za vakcinaciju i kontrolu kojim se neće kršiti demokratska prava i slobode građana, te njihovu provedbu u praksi u interesu zdravlja i sigurnosti stanovništva.

PERV poziva sve zemlje regiona da:

- Uvažava prioritete zdravlja i sigurnosti u odnosu na komercijalne i političke interese u realnom životu, ne samo u riječima. Odustajanje od ograničenja na intelektualno vlasništvo je preduslov za poraz infekcije. Ovo mora pratiti promocija proizvodnje vakcina u zemljama i regionima koji nemaju vlastite tehnologije i materijalna sredstva. Ovo nije milosrđe bogatih zemalja, to je ulaganje u naše zajedničko zdravlje i budućnost.
- Organiziraju kampanje podizanja svijesti među stanovništvom i rade sa radničkim organizacijama na poboljšanju procenta vakcinisanih, te da ne umanjuju ulogu države isključivo na diktat i prisilu. Vakcinacija ne smije biti samo još jedan osnov za diskriminaciju, stigmatizaciju i društveni raskol. Socijalni dijalog olakšava učinkovite i

dogovorene pristupe za vakcinaciju radnika, naročito u zanimanjima visokog rizika, dok učešće sindikata u podizanju svijesti doprinosi izgradnji povjerenja i prihvatanja specifičnih inicijativa i programa među građanima.

- Hitno pomire obostrano prihvatanje vakcina koje su dokazale svoju djelotvornost i provedu u djelo standardizaciju certificiranja. Ovim će se samo pojačati interes za vakcinacijom među onima koji oklijevaju, da se smanji poticaj za korupciju i dozvoli obnova kontakata među ljudima. To je u interesu svih radnika i građana, ne samo političkih i poslovnih elita.